

Bosna i Hercegovina
Federacija Bosne i Hercegovine
Tuzlanski kanton
Općina Teočak
Općinski načelnik
Broj: 02-11-1387-6/20
Teočak, 11.12.2020. godine

Na osnovu člana 64. stav (1) tačka b), člana 70. i člana 87. Zakona o javnim nabavkama („Službeni glasnik BiH“ broj: 39/14), te člana 43. Statuta općine Teočak („Službeni bilten općine Teočak broj: 5/08 i 2/12) Općinski načelnik d o n o s i:

ODLUKU

o rezultatima okončanog postupka javne nabavke i izboru najpovoljnijeg ponuđača

Član 1.

Na osnovu Zapisnika o pregledu i ocjeni ponuda broj: 02-11-1387-5/20 od 10.12.2020. godine, ugovor za Rekonstrukciju dječijeg igrališta „Meraja“ i prostorije za omladinu u MZ Bilalićima dodjeljuje se ponuđaču: „Baja“ OR Kalesija, ponuda broj: 01/20 od 04.12.2020. godine, za ponudenu cijenu od 17.092,00 KM bez PDV-a kao najbolje ocijenjenom ponudom nakon održane e-aukcije.

Član 2.

Prijedlog Ugovora dostavit će se na potpis izabranom ponuđaču: „Baja“ OR Kalesija, sa sjedištem u ulici Rainci Gornji bb, 75260 Kalesija.

Član 3.

Izabrani ponuđač je obavezan u roku od 5 dana dostaviti dokaze o činjenicama navedenih u izjavi iz člana 45. Zakona o javnim nabavkama BiH i Obrazac za cijenu ponude korigovan na cijenu ponudenu putem e-aukcije.

Član 4.

Za izvršenje ove odluke zadužuje se Služba za privredu, finansije, prostorno uređenje i civilnu zaštitu općine Teočak.

Član 5.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke shodno članu 71. stav (2) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 02-11-1387-1/20 dana 24.11.2020. godine. Javna nabavka je provedena putem konkurentskog zahtjeva za dostavu ponuda, broj obavještenja sa portala javnih nabavki: 98-7-3-49-3-25/20. Procijenjena vrijednost javne nabavke bez PDV-a je 14.100,00 KM.

Komisija za javnu nabavku dostavila je Ugovornom organu kopiju Zapisnika o otvaranju ponuda broj: 02-11-1387-4/20 dana 07.12.2020. godine i Zapisnik o pregledu i ocjeni ponuda broj: 02-11-1387-5/20 od 10.12.2020. godine u postupku javne nabavke Rekonstrukcija dječijeg igrališta „Meraja“ i prostorije za omladinu u MZ Bilalići.

U postupku utvrđeno je da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- ukupan broj pristiglih ponuda je 3 (tri) i to ponude od: „Tom-Cat“ doo Tuzla, „Papilon“ doo Čelić, i „Baja“ OR Kalesija
- ukupan broj blagovremeno zaprimljenih ponuda je 3 (tri) i to ponude od: „Tom-Cat“ doo Tuzla, „Papilon“ doo Čelić, i „Baja“ OR Kalesija

Kriterij za ocjenu ponuda je najniža cijena.

Tehnički, pravno i ekonomski gledano, ponude od sva tri ponuđača su bile prihvatljive. Ukupne cijene po ponuđačima su bile sledeće: : „Tom-Cat“ doo Tuzla sa ukupnom cijenom od 19.156,70 KM, „Papilon“ doo Čelić sa ukupnom cijenom od 35.275,00 KM i „Baja“ OR Kalesija sa ponuđenom cijenom od 18.385,00 KM. Sve navedene cijene su bez obračunatog PDV-a. Nakon održane e-aukcije dana 09.12.2020. godine sa početkom u 14:00 h formirana je nova rang lista ponuđača sa sljedećim redoslijedom (cijene su bez obračunatog PDV-a):

1. „Baja“ OR Kalesija sa ponuđenom cijenom od 17.092,00 KM - najpovoljnija ponuda
2. „Tom-Cat“ doo Tuzla sa ponuđenom cijenom od 17.111,00 KM
3. „Papilon“ doo Čelić sa ponuđenom cijenom od 35.275,00 KM

Komisija je dala preporuku Općinskom načelniku da ukoliko postoje dodatna obezbijedena sredstva budžetom općine prihvati ponudu od ponuđača „Baja“ OR Kalesija jer je njome bila ponuđena najniža cijena koja je ujedno proglašena i najpovoljnijom za Ugovorni organ.

U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu prispjelih ponuda, shodno kriterijima iz tenderske dokumentacije.

U postupku ocjene provedenog postupka, ugovorni organ općina Teočak – Općinski načelnik nije našao razloge nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Pouka o pravnom lijeku

Protiv ove odluke može se izjaviti žalba, najkasnije u roku od 5 (pet) dana od dana prijema ove odluke.

Dostavljeno:

- ponuđačima
- a/a



Općinski načelnik

Tajib Muminović